

Fanes a Los Angeles

L film ladin "L Rëni de Fanes" à venciù bën cin' pesć pra l Los Angeles Reel Film Festival. Mesun mpurtant dla cultura ladina a nivel nternaziunel

Cultura - L film ladin "L Rëni de Fanes" de Roland Verra, Susy Rottonara y Hans Peter Karbon à giapà n recunescimënt merità pra un di filmfestivals de majer prestisc di USA, l "Los Angeles Reel Film Festival". L film se à tlassificà segundo tla graduatoria assoluta de films fulestieres, ma à pona nce giapà pesć per i "stunts", i efec speziei, i efec digitei y i guanc uriginei. Pra chësc festival féjel pea autores jëuni o "nueves" y l ie purtà inant da na fundazion privata che uel sustenì l'inuvazion y la criatività te chësc setor.

La iuria à ulù premië l film ladin che se caraterisea cun si atmosferes particuleres, plëines de magia y de lijëndes, che tol ispirazion dala ntraunides ntravaiedes che à purtà ala fin dl Rëni dolo-mitich de Fanes. L ie scialdi senificatif che i esperc americans ebe ulù premië tan de iedesc l'opra de na pitla mendranza linguistica, che ie unida a se l dé tres la cooperazion dl autor y reghisser Roland Verra, dla



Da man ciancia: Jan Piere Karbon, Roland Verra y Susy Rottonara.

mujizista y ciantarina lirica Susy Rottonara, che à oradechël nce scrit la mujiga uriginela y che ie nce l'atëura prinsipela coche Dolasila/Luianta, y de Hans Peter Karbon, produtëur y cameraman, che ti ie stat do ai aspec tecnics de

tò su y mëter adum.

Da auzé ora ie nce che la rujeneda uriginela, l ladin, cun duta si variantes de valeda, cossa nce chësta mpue' ora dl normal te n tel ciamp artistich, dantaldut te na reprentazion de na storia tan longia, ntravaieda y de gran nivel epich.

Dlongia i pesć de Los Angeles à l film bele venciù doi d'autri pesć, per la colona sonora pra l Renderyard Festival de Londra y pra Garden State Film Festival de Asbury Park (NJ -USA).

L film ladin dl Rëni de Fanes, che ie bele unì mustrà sun la RAI Ladina y la RAI Sender Bozen cun sottituli per nglëisc, giapà nscila n si recunescimënt, se desmustran nce n mesun mpurtant dla cultura ladina a nivel nternaziunel. (dl)



Na scena ora dl film dl Rëni de Fanes.

Priesc d'abonament anual:

per la Talia: 54,00 euro,
foradeca: 125,00 euro.
L abonament po gni paié te vigni redazion de val o
ence tres posta c/c nr. 14554398. Nosta banca é la
Cassa Reiffeisen de Sëlva
IBAN: IT 30X 08238 58680 000302000016
SWIFT: RZSBIT21055

Info abonament: Tel. 0471/789294